



Komisaun Funksaun Públika

2020



BULETIN

SEMESTRAL NO.14

**Hametin liu tan sentidu no sensu estadu ba
funsonáriu públiku sira liu husi Politika
Formasaun (pag.9)**



REDASAUN

Xefe UPKS

Maria Jose A.Mesquita

Dezenhu no layout

Lorga dos Santos

Printing

Silvya Printing

Kolaboradores

Silvia Cristina N.Fernandes

Yana da C. Braz

Lidia Aquelina Imaculada Conceição

Candido Lopes Martins

Paulino X.B Freitas

VIZITA AMI:



www.cfp.gov.tl



comissão função pública

ÍNDISE

Índise.....	I
Introdusaun.....	II
Tomada de Posse Komisarius KFP.....	1
Enkontru Kortezia.....	3
Enkontru Enter Ministerial.....	5
Vizita Supreza.....	7
Enkontru Nivel DG.....	9
Entrega Relatoriu ba PN.....	11
KFP apresenta relatorio anual 2019 iha PN.....	12
KFP enkontru ho Sentru Jestaun Krije.....	13
Formasaun Avansada.....	14
Prezidente KFP halo balnsu iha Radio FM.....	15
Feto iha Kareira Funsauun Publika.....	17
Lisensa no Faltas.....	19
Perfile.....	20
Prossesu Disiplinar.....	23



São Tomás More

Foi anunciado no dia 15 de julho de 2016
o Padroeiro da Função Pública

EDITORIAL

Ho haksolok bo'ot, Komisaun Funksaun Públika (KFP) apresenta ba ita hotu Revista Semestral nebe koalia kona politika no prioridade ba Komisaun Funksaun Públika nian.

Revista ida ne'e sei informa ba ita hotu kona ba atividades lubun ida mak antes ne'e hala'ona.

Ami hein katak revista ida ne'e bele koresponde ita nia espetativa, atu hetan informasaun sira ne'ebe ita hotu hakarak hatene kona ba loron servisu sira Funksaun Públika nian .

Ami sei agradese wainhira hetan ideias, kritikas no sugestoes husi leitores, atu nunee bele tulun ami hodi hadia liu tan publikasaun sira ne'ebe tuir mai.

Ami mos la taka dalan karik leitores sira iha hanoin atu kontribui ba iha konteudu buletin.



Comissão da Função Pública

VISÃO

Uma Função Pública,
eficiente, eficaz, responsável e
com elevados
padrões de qualidade
na prestação de serviços ao público.

Missão

Assegurar uma Função Pública
politicamente neutra através
de decisões imparciais e com base no mérito;
Assegurar uma força de trabalho com acesso ao
desenvolvimento profissional por forma a
alcançar uma prestação
de serviços de alta qualidade.
Criar uma cultura de desempenho profissional
elevado, para assegurar
a eficiência, eficácia e uma gestão económica
dos recursos humanos e materiais.
Assegurar um atendimento justo
e apropriado na Função Pública.
Assegurar estratégias
de liderança e encorajar a inovação na
prestação de serviços ao pública.

PM TAUR MATAN RUAK FO POSSE BA KOMISARIUS KFP MANDATU DATOLUK



Primейru Ministru Taur Matan Ruak fo posse ba Prezidente no Komisáriu nain rua neêbe indika husi Governu. Faustino Cardoso Gomes reeleito ba Prezidente, Sra. Maria de Jesus Sarmiento no mós Sra. Carmeneza Monteiro nudar Komisaria KFP mandatu datoluk nian hodi lidera Administrasaun Públika Timor-Leste. Iha diskursu Prezidente “agradese ba konfiansa tomak husi S.E Primeiru Ministru no VIII Governu Konstitusional hodi tau konfiansa mai ami hodi lidera Funsauun Públika. Laós foun ba ami maibé, dala ida tan pesoalmente atu kontinua servisu halaõ knar importante tebes no misaun ida neêbé dezafiante maibe nafatin iha komprimisiu, optimismu sei konkista susesu, hodi apoia politika governu, programa governu nian. Ami sei aproveita oportunidade ida neê ho ami nia kbiit tomak matenek tomak klaru! konta nafatin ho apoia politika atu oinsa Komisaun Funsauun Publika bele laõ diak tuir espektativa aseguara seguransa, aspira-

saun funsionarius públikus, no politika Governu nian,” dehan Faustino Cardoso Gomes neêbé nomeadu ba daruak hodi kontinua lidera Funsauun Públika Timor-Leste. Komisaun Funsauun Públika nia servisu haree ba jestaun rekursu umanus iha setór públiku, knar ida neê Sua Excia Primeiru Ministru nudar Xefe do Governu iha âmbito reforma atu aseguara efikasias, kualidade, efesiansia funsionamentu KFP neêbé tutela direta husi S.E Primeiru Ministru.

“Ami kompremete nafatin iha komunikasaun, prontu rona orientasau-si Sua Excia PM kona-ba lalaok KFP no mós Funsau Públika ein jeral tuir valores no prinsipiu sira ne'ebé mak sustenta funksionamentu Funsau públika tuir dinámika lala'ok estadu no prontu halo komunikasaun, koordenasaun ho membru governu sira iha âmbito halo tuir kompromisiu konstitusional. Durante mandatu daruak konsege halo dinamizasaun ba KFP, hatan mós ba espetativa funksionarius públiku sira iha âmbito kapasitasaun, formasaun, aseguara professionalizmu Funsau Públika, rekrutamentu ba méritu, igualdade bazeia ba jéneru, nune' mós prin-

siu inkluzivilidade ba defisiensia sira hodi bele asesu ba desenvolve- mtu kareira iha funsau públika. Kompremete mós ba moderniza- saun Funsau Públika hodi asegu- ra efesiensia no efikasias funksiona- mentu Administrasaun Públika,” hatutan Prezidente KFP iha nia diskursu iha serimonia posse ne'e.



Primu Ministru Taur Matan Ruak kongratula no agradese mós ba komisarius sesante sira ba kontribuisaun Administrasaun Públika no apresia ba sira nia prestasaun servisu deseja ba sira nia saúde, vida professional iha fatin seluk. Kontribuisaun Administrasaun Públika presija fatores importante mak rekursu umanus hodi viabiliza no presta servisu ho di'ak ba povu. Maske hasoru dezafius oi-oin, maibé Funsau Públika firme la'o nafatin. “Iha Administrasaun Publika atu funksiona presija fatores ida maka ita nia rekursus umanus, iha ita nia historia Timor nian ita nia Nasaun ne'e kiik povu ida kiak sikat iha Nasaun boot sira klaran, laiha meius, laiha rekursus, maibé ho ita nia vontade, pasensia ita manan difikul- dade barak iha enfraestrutur, fasilidade no promosaun, maibé espera katak, iha tempu badak ita bele servisu hamutuk, pasu pur pasu ita bele hadia di'ak liutan funksionalizmu públiku hodi serve ita nia rai, serve

ita nia povu no dezenvolve ita nia nasaun,” afirma Xefi Governu, S.E Primeiru Ministru VIII Governu. Atu kompleta Komisarius sira iha Komisaun Funsau Públika, Komisariu nain rua seluk sei nomeia husi Parlamentu Nasional.

Dr. José Ramos Horta

Partilla esperiensa administrasaun publika Timor Leste ho pais sira seluk

Dr. José Ramos Horta vizita Komisaun Funsau Públika hasoru malu ho Prezidente no Komisariu sira hodi fahe esperiensa durante ninia akompañamentu no observaun ba área Funsau Públika iha Asia, Afrika kompara ho Funsau Públika Timor-Leste.

Dr. José Ramos Horta halo mós observaun balun liga ho Funsau Públika nasaun seluk nian hanesan iha Asia, India, Afrika kompara ho Timor-Leste ba evolusaun instituisaun estadu durante ne'e ho esforsu sira ne'e atu kontribui informasaun atu eduka hodi hadia Funsau Públika di'ak ba futuru.

Iha tempu hanesan Prezidente KFP mós koa'lia kona-ba funsionáriu permanentes, ajentes administrasaun públika dadus iha SIGAP-KFP nian, la inklui kazuais no asesores sira, no informa mós KFP

nia atividade sira hanesan define loron Funsau Públika, promosaun grau ba funsionáriu sira.

“Hau hanoin ita nia Funsau Públika la'o, evolui pelo menos kompara ho país sira seluk iha Asia, Timor-Leste mós la lakon, sa tan kompara ho Afrika ninian, a não ser Cabo-Verde Timor-Leste mós di'ak. Ita evolui tendensia boot ida maka ita preokupa kona-ba ninia magnitude, dimensaun ne'ebé maka iha, tamba ita liga ho sustentabilidade finanseira Estadu, Timor-Leste agora iha 34 mil ital, funsionáriu permanentes 28 mil ital, pois 4 mil ital ne'e ajentes Administrasaun Públika.

Kona-ba kazuais konforme dadus husi Ministériu Finansas iha 6 mil ital, ba F-FDTL, PNTL no asesores sira ne'e for a husi kompeténsia KFP nian, se ida ne'e mak ita sura hotu ne'e 40 mil, problema principal mak





kapasidade financeira depende liu ba minarai, tamba neê Komisaun apresenta ona Dekretu Lei Planeamentu Forsa Traballu ba Primeiru Ministru atu avansa ba Konsellu Ministrus ba deketu lei neê atu kontrola makina estadu, se la kontrola makina estadu aumenta bei-beik bele hatodan estadu bele monu” dehan Prezidente KFP, Faustino Cardoso Gomes.

Liga ho modernizasaun Funsau Públika iha Timor-Leste iha ona teste liu husi eletrónica mak promosaun ba tinan 2019. Iha kandidatu elejibel 10,455 taes sai 9 mil ital no halo teste iha deit 28 dias nia laran, neê ba rejime jeral deit, ba rejime espial Komisaun mós sei komunika ho sira atu halaó iha tinan tuir mai enkuantu orsamentu estadu laó normal.

Alende neê Komisaun mós fahe informasaun lubuk ida ho Dr. José Ramos Horta liga seleksaun pur méritu, jestaun rekursus umanus no seluk tan.





KFP Enkontru ho Vice Ministru Interior

Prezidente Komisaun Funsan Públika hasoru malu ho S.E Vice Ministru Interior tur hamutuk hodi aborda, haree kestaun sira neébé mak ligadu ho ministeriu interior ninian servisu.

“Ohin ami tur hamutuk hodi aborda kestaun hirak ida neébé mak ligadu ho kestaun prinsipal rua, ida kona-ba servisu emigrasaun ninian, liu-liu ninia estatutu rejime especial mak toó ohin loron seidak iha klareza, ita tenke klaru iha neéba laós iha purgatoriu hela

deit. Servisu neé ba PNTL ka ba Ministériu Interior ninian tenke klaru, tanba neé ohin ami alerta ba malu oinsá atu situaun neé resolve tiha, ohin ami rona komprimisiu husi Vice Ministru no asesor sira tomak atu oinsá mak hakat liu situaun ida neé sai nudar aposta ida ba rezultadu servisu Governu neé nian. Ami mos sei komunika ho PNTL, hamutuk ho Minitériu Interior oinsá atu resolve tiha situaun ida neé,” esplika Prezidente KFP Faustino Cardoso Gomes hafoin enkontru ho



Vise Ministru Interior, António Armindo. Alende neê aborda mós kestaun seluk liga ho kargus diresaun xefia Ministériu Interior nian. “Kestaun seluk kona-ba kargus diresaun xefia, kestaun neê laos ema ida nian, maibé tenke laõ tur lei, prosedimentus, aseguara prinsipiu dignidade, kontribui ba dezenvolvimentu Funsau Públika ninia, aseguara prinsipiu méritukrasia, legalidade, nebe ami partilla regras sira neê ba malu oinsá atu revitaliza kargus diresaun iha Ministériu Interior ninia hodi nunêê bele ajuda implementa polítika no orientasaun neêbê mak VIII Governu hatur tiha ona atu alkansa” akresenta Prezidente KFP.

Enkontru neê spesie enkontru kordenasaun, komunikasaun ida oinsá hamutuk hakat liu tiha obstakulu sira neêbê mak durante neê iha,

aseguara diak liu tan kualidade instituisaun, aseguara mós dezempeñu hodi alkansa objetivu.



Vizita

Surpreza No Inspesaun Ba Patrimoniun Estadu Ne'ebé Mak Kargu Diresaun Xefia Uza Iha MEJD

Ekpa integradu Kuadrilateral kompostu husi Komisaun Funsauun Públika, Inspesaun Jeral Estadu, Provedoria Direitus Humanus no Justisa, Komisaun Anti Korupsaun akompaña husi Polisia Nasional Timor-Leste tun direktamente ba baze hodi halo inspesaun no foti patrimoniun estadu ne'ebé mak uza husi kargus diresaun xefia sira iha Ministériu Edukasaun Juventude no Desportu.

Operasaun ne'e ekipa tekniku sira hala'o hamutuk ho Komisariu asuntu disiplinar hodi haree direktamente kondisaun patrimoniun estadu doasaun husi ajensia sira ba MEJD. "Operasaun ne'e kontinuasaun husi tinan kotuk liu ba husi fulan marsu too mai agora. Operasaun ohin ne'e ami foku liu ba kareta doasaun nebe mak sira utiliza kleur ona maibe seidauk rezistu ba patrimoniun estadu. Ida ne'e mak desde

iha fulan kotuk ami ekipa halo programa, ami deside, ami tenki ba rekolla ona kareta nebe mak iha lina ministeriu sira hotu. Laos iha edukasaun deit, maibe iha ministeiuru balun nebe mak seidauk rezistu ba patrimoniun estadu ami sei rekolla hotu," dehan ekipa tekniku husi KAK ba jornalista sira iha terenu wainhira hala'o hela servisu.

Iha tempu hanesan Komisariu Asuntu Disiplinar KFP, António Freitas hateten, inisiativa ne'e mai husi KFP no kordena ho entidade husi KAK, IJE, PDHJ, Patrimoniun Estadu no PNTL nudar ekipa implementador atu bele ezekuta servisu ida ne'e.

Husi KFP nia parte haree liu ba nivel kargus diresaun xefia ne'ebé mak uza patrimoniun estadu husi instituisaun inklui doasaun husi doadores sira tenke rejista, tanba dekretu lei



nu.8/2004 hatete katak patrimoni u estadu sira ne'e tenki rejistu nudar estadu nian.

Komisariu mós alerta ba kargus diresaun sira ne'ebé mak uza patrimoni la tuir regras ka mosu iregularidade sei hetan prosesu disiplinár.

“Prosesu balun kareta ba para fali iha uma la iha relatoriu, fulan-fulan hala'ó nafatin despeza, hanoin estadu labele tolera, tanba ne'e hau hanesan dirijentes ida ba administrasaun publiku ninian liu-liu ba kargu diresaun xefia sira kumpri didiak ita nia servisu, kopera hamutuk ita nia entidade sira ne'e atu buka solusaun, laos atu penaliza ema.

Karik iha aktus iregularidade balun entaun tenki kumpri hela ba kondisoens nebe mak eziste, regulamentus sira nebe eziste. Tanba ne'e dala ida tan ba funsionariu tomak

liu-liu ba kargu diresaun xefia sira uza viatura estadu tuir nia dalan” dehan Komisariu KFP.

Waihira iha aktu iregularidade ruma ka aktus krime sira, krime ne'e enkamina ba KAK no Ministeriu Publiku, aktus iregularidade administrativa abuzu poder haruka ba atu KFP bele aplika regras administrativa.

Atividade Ekipa konjunta boa governasaun hala'ó ona atiividade ba iha Diresaun Nasional Transporte Terestre (DNTT), SEFOPE, Alfândega, ANATL no MEJD.





Orientasaun Xefe Governu Taur Matan Ruak ba Linas Ministeriais

Komisaun Funsan Públika konvida S. Exa. Primeiru Ministru iha enkontru entre nível diretores jerais, inspetores no diretor nasional sira husi liñas ministéris, orgaun direta no indireta sira ho objetivu atu rona orientasaun no política VIII governu nian ba oin, rona mós espetativa no problema neêbé Funsan Públika hasoru.

“Primeiru lugar atu informa ba ita boot sira situasaun ita nia país hanesan iha orsamentu neêbé hetan chum-

ba iha PN hodi provoka saltu polítika ida iha ita nian rain, ema hot-hotu sosiedade preokupa tenki moris situasaun sira hanesan neê kuandu atensaun boot maka konsentra ba iha hamenus kiak eh redusaun pobreza no provoka kresimentu iha ita nia rain. Maibé, ho esforsu orgaun soberania hotu liu-liu partidu sira iha asentu parlamentar no sosiedade tomak ita komesa ultarapassa situasaun neê. Segundu, situasaun COVID-19 neêbé mosu iha fulan dezembru too ohin lora afeta ba ekonomia mundial inklui Timor-Leste.

Terseiru, halo komentariu balun ba reforma saida mak ita hanoin atu halo, objetivu saida no terseiru maka kulia oituan kona-ba objetivu Estadu nian no dalan neêbé ita tuir para atinje objetivu sira neê, por ultimo ha’u mós koa’lia oituan ko-





na-ba formasaun, jestaun rekursu umanus no promosaun” dehan Primeiru Ministru S.E Taur Matan Ruak iha nia orientasaun ba nivel dirijentes sira.

Ba medidas estabilizasaun ekonomika hanesan ita hotu hatene krizi politika orsamentu doudesima, konviviu ne'e hotu hamutuk iha problema boot iha ita nia rain iha aspetu ekonomia, sosial afeita empregu, afeita empreza sira paraliza aktividade tomak inklui setór públiku.

Alende ne'e kria ekipa ida prepara planu recuperasaun planu estabilizasaun ekonomika rai laran liga ho VIII Governu nia planu ba estabilizasaun Governu.

Enkontru ne'e iha kestaun barak mak Primeiru Ministru hatoo, liu-liu kona-ba polítika VIII governu ninian oinsa mak Funsau Públika bele kontribui tuir setór ida-idak ninian, tuir kapasidade ne'ebé mak iha atu alkansa polítika VIII governu

ninian, dehan Prezidente KFP hafoin enkontru entre nivel dirijentes sira iha Ministériu Finansas, Aitarak-Laran, (03/07/2020).

Primeiru Ministru hatoo mós kona-ba kestaun efisiensia, efikasias, reforma iha area sira ne'ebé mak VIII governu define tiha ona no husu ba kargus direasaun no xefia sira atu bele sensivel ba situasaun, kompromete an atu oinsa atu hasa'e di'ak liu ba rezultadu servisu no tenta motiva subordinadu sira atu servisu di'ak liu tan hamutuk ho entidade relevante sira hodi hakbesik ba mehi moris diak povu ninian liu husi prestasaun servisu di'ak ho responsabilidade. Alende ne'e hatoo mós parabéns ba Loron Nasional Funsau Públika.



KFP Entrega Relatório Anual 2019 ba Presidente Parlamentu Nasional

Prezidente Komisaun Funksaun Públika, Faustino Cardoso Gomes, Komisaria nain rua, sra. Maria de Jesus Sarmiento no Sra. Carmeneza do Santos Monteiro, Sekretariu Ezekutivu Nelson Philomeno akompaña husi ekipa téknika hala'ò enkontru ho Prezidente Parlamentu Nasional S.E Aniceto Guterres hodi entrega relatóriu anual KFP 2019 nian.

Tuir lei ne'be kria Komisaun Funksaun Públika katak iha feulan marsu kada tinan KFP tenki apresenta relatorio anual mai iha PN, infelizmente tinan ne'e apresentasaun la tuir tempu

ne'be define.

Hanesan ita hotu akompana situasaun nebe mak fora husi ita nia hanoin (situasaun abnormal) sira nebe mak evolui, la'ò, aumenta tan ho pandemia COVID-19 ninian ne'be fo impaktu ba funksionamentu normal instituisaun nian, inklui mós KFP. Ami konsege mai apresenta ba S.E. Prezidente PN, pedidu atu ba iha plenaria hatoo relatorio 2019 nian," hatete Prezidente KFP ba jornalista sira hafoin enkontru remata.

Iha okaziaun ne'e KFP hato'ò mós felisitasun ba Prezidente PN V legislatura no ao mesmo tempo husu atu fo apoiu política moral nafatin ba iha KFP, Funksaun Publika no ba estadu ida ne'e oinsa atu servisu di'ak liu tan.

Relatóriu ne'e Prezidente PN simu ona no kompromete sei hasoru bankada sira atu marka plenaria, possivelmente tersa feira semana oin Komisaun sei mai halo apresentasaun iha plenaria, hatutan Prezidente KFP Faustino Cardoso Gomes, (03/06/2020), iha PN.



KFP APREZENTA RELATORIU ANUAL 2019 IHA PLENARIA



Bazeia ba lei nú.7/2009, 15 Jullu, Komisaun Funsau Públika iha fulan Marsu kada tinan halo submisaun relatóriu anual KFP ba Parlamentu Nasional (PN) neébé sei lori ba plenária hodi hetan apresiasaun.

Tinan neé, entrega no apresentasaun relatório la-tuir kalendáriu definidu tamba kestaun pandemia COVID-19, Komisaun foin bele apresenta iha loron 9 fulan juñu 2020. Prezidente KFP hahú apresentasaun husi prioridade sira mandatu II nian neébé mak durante neé halaó ona, prioridade balun sei iha prosesu implementasaun no mós ezekusaun orsamentu ba tinan 2019 nian.

Liga ho ezekusaun orsamentu KFP ba tinan 2019 nian neébé aprova husi Parlamentu Nasional 2.616,198 dolár Amerikanu ho grau ezekusaun 88%. Alende neé apresenta mós forsa traballu iha Administrasaun Públika Timor-Leste hamutuk 33,301 ho kategoria funsionáriu permanente sira no ajentes administrasaun públika neébé kompostu husi funsionáriu permanente hamutuk 28,366 no ajente hamutuk 4,655.

Liga ho jestaun rekursu umanus KFP destaka susesu, konkista liu husi proposta dekretu lei lubuk ida kona-ba planeamentu forsa traballu, proposta alterasaun dekretu lei avaliasaun dezempeñu nuné mós dekretu lei sira seluk hodi kontribui ba melloria Funsau Públika ida

neébé integru, izéntu, profisional, aseguira kumprimentu no prisipiu boa governasaun.

KFP mós destaka susesu boót ida mak primeira promosaun ho total funsionáriu 10.455 no taés too 8 738, ikus hetan funsionáriu promovidu hamutuk 1,345. Explika mós mekanismu eh meius liu husi teste eletróniku neébe fo efeitu pozitivu tebes ba rezultadu servisu ho durasaun tempu iha loron 28 nia laran. Alende neé, Komisaun destaka prioridade ida seluk selesaun pur méritu ba kargu diresaun no xefia neébe halaó ona liu teste eletróniku. Tuir dadus, inisitiva atu aposta ba selesaun pur méritu foin mak iha 6%, signifika 94% sei mai husi nomeasaun no ein substituisaun provizoria neébé seidauk avansa ba seleksaun pur méritu. Enkuantu nomeasaun ein substituisaun ba fulan neen (6) ho halo prosesu ba prosesu seleksaun pur méritu. Komisaun nia prezensa wainhira apresenta relatóriu iha plenária, hetan apresiasaun diak husi distintus deputadu sira no rona mós sujestaun no rekomendasaun sira iha ambitu ba melloramentu servisu Administrasaun Públika. Apresentasaun neé lidera husi Prezidente, Komisaria nain rua (2) no hetan akompañamentu husi Sekretariu Ezekutivu no nivél diretores nasionais no ekipa tékniku sira.



KFP

Enkontru ho Sentru Jestaun Krize ba Covid 19

Funcionamentu servisu tuir rejime normalidade – aprovađu liu husi Dekretu Governu nr.9/2020

KFP realija enkontru ho Sentru Integradu Jestaun Krize molok reativa atividade rekrutamentu, formasaun no atividade sira seluk ligadu ho jestaun rekursus umanus nian iha Administrasaun Públika.

Objetivu husi enkontru ne'e, atu halo diskusaun itoan kona-ba medida sira difini ona iha dekreto refere, li-liu iha artigo 17, ne'ebé mak koalia kona-ba medida sira mak instituisaun sira presija foti iha periodu COVID-19. Objetivu ida seluk mak atu hetan orientasaun teknika ligadu ho medida prevensaun sira.

Iha enkontru ne'e Prezidente hateten, pertinente atu hetan orientasaun husi ekipa tamba Komisaun preokupa ho funcionáriu sira mak iha ona idade 60 ba leten, kondisaun servisu ne'ebé la obdese ona ba regra distansiamentu nian.

Husi enkontru ne'e, ekipa orienta katak maski Timor-Leste la-rejista ona kazu pozitivu COVID-19 husu nafatin ita hotu atu mantein atu halo nafatin medidas prevensaun individual, hanesan utlizaun maskara, distansiamentu fiziku mínimu 1,5m, fase liman bebeik. Hirak ne'e sai hanesan parte husi normalidade foun, to'o momentu ne'ebé hetan ona vasi-na. Husu mós ba instituisaun hotu-hotu atu instala facilidade sira iha âmbito ba prevensaun COVID-19

Liga ba servisu eh atividade sira mak KFP hanesan promosaun, formasaun, enkontru sira ne'ebé konsentra ema barak iha reuniaun ne'e, desidi ona atu KFP ho Ministériu Saúde sei tur hamutuk atu hamosu manual atu explika no fasilita diak liu tan intendimentu ba prevensaun COVID-19 iha Administra-saun Públika.





Formasaun Avansada

Iha Governasaun no Lideransa Estratéjika

Ba Nivel Dirijentes

Diretores jerais no inspetores hamutuk nain 50, partisipa ba sesaun dahuluk formasaun avansada iha governansa no lideransa estratéjika. Objetivu ba formasaun ne'e atu proporsiona kompetensia adekuaudu ba nivel dirijentes superiores iha kultura administrasaun pública ho profisional, ho kualidade. Alende ne'e dezenvolve kompetensia teknikas no transversais sira, dezenvolve kapasidade kritika ho rasioniu liga ho problema sira administrasaun pública liu husi aplikasaun prátika ne'ebé mak iha.

Formasaun ne'e hala'ò ho orientasaun husi S.E Primeiru Ministru Taur Matan Ruak liu husi Komisaun Funsau Públika (KFP), Institutu Nasionál Administrasaun Públika (INAP) no Institutu Nasionál Defeza (IDN). Matéria iha formasaun refere abranje modulu 6 mak hanesan, Ontologia da Grande Estratéjia Nacional; Proceso e Resiliência Nacional; Percepção de Segurança e Defesa Nacional da RDTL; As Propriedades do Governo (política pública e gestão estratégica); Sistema Jurídico de Governança; Contextualização Nacional

(visitas as instituições estratégicas).

Formasaun ne'e sei hala'ò durante loron 15 (13 Jullu too 31 Jullu 2020). Iha loron dahuluk Hala'ò iha Ministeriu Finanzas no loron tuir mai formasaun ba iha CCD-Merkadu Lama. Formadores ba formasaun ne'e mai husi IDN.

Kumpri ba normalidade foun COVID-19 formasaun ne'e uza nafatin maskara, fase liman no distansiamentu sosial.



Prezidente KFP Halo Balansu ba Atividade KFP iha Metro FM

Prezidente Komisaun Funsau Públika, Faustino Cardoso Gomes partisipa iha programa rádiu Metro FM (94.7 MHz) hodi halo balansu ba susesu no oinsa atu profesionaliza Funsau Públika.

Susesu mandatu daruak KFP nian mak konsege halaõ promosaun, seleksaun pur méritu, distinsaun premius no seluk tan.

“Susesu boot ida maka iha II mandatu KFP rejista kona-ba promosaun Funsionáriu Públikus iha teritoriu nasional tomak iha 10,455 ikus mai iha nain 1,354 mak konsege liu no sae grau as liu ho efektu nebe aplika desde janeiru 2020, maibé klaru iha ita orsamentu duo-desimu efektu husi promosaun ida neê karik seidauk sente. Maibé sira rejista ona nudar funsionáriu promovidus ba iha grau as. Susesu seluk mak konsege define loron nasional Funsau Públika neêbê mak komemora tinantan, jornada laõ tuir ain fatin saudozu sira nian, lori funsionáriu sira ba haree realidade moris povu ninian too nia istória atu motiva, inspira no oinsa mak bele servisu diak liu tan. Alende neê susesu seluk ba sevisu hamutuk ho insituisaun sira seluk, instituisaun estadu sira seluk hanesan KAK, PDHJ, IJE atu oinsa hametin liu tan integridade Funsau Públika, nunêe rádiu mós haklaken informasaun sira. Ida neê mak Komisaun halaõ maibé rejista mós atividade sira balun neêbê mak Komisaun seidauk konsege realiza,” dehan Prezidente KFP Faustino Cardoso Gomes iha sesaun entrevista iha programa povu nia matadalan iha loron tersa feira, (16/06/2020).

Ba mandatu datoluk nian Komisaun kontinua prioritiza promosaun, seleksaun pur méritu ba kargus direksaun xefia sira, distinsaun no premius ba bens estar

funsionáriu sira nian no mós revê fila fali prioridade sira seluk neêbê mak iha, nunêe haree mos ba planu estratejiku sira neêbê mak presija halo atualizasaun. KFP mós mantein prinsipiu meritukrasia ba ambitu ida neê KFP sei kontinua halo komunikasaun, kordenasaun ho instituisaun relevante sira, atu oinsa ita bele komunga hamutuk iha vizaun hanesan kona-ba importansia realizasaun seleksaun pur méritu ida neê importante tebes.

Nunêe dirijente masimu Funsau Públika husu atu okupante kargu sira husi instituisaun Estadu hotu atu komprende ezijensia ida neê no klaru katak nivél altu mós ami sei buka atu halo komunikasaun, liu-liu membru governu sira. Ami sei halo komunikasaun oinsa atu atualiza, informa ba sira kona-ba situasaun no progresu sira neêbê mak iha ao mesmo tempo hamutuk konkista susesu, espetativa sira ligadu ho Funsau Públika.

Hakarak enkoraja funsionariu sira atu kontinua tama servisu halaõ knar sira neê ho responsabilidade, qualidade, ho prestasaun ba povu tuir ida-idak nia area kompetensia grau responsabilidade.

Husu ba funsionariu sira atu kontinua kumpri nafatin regras COVID-19 ninian iha ida-idak nia servisu fatin, uza masker, fase liman bebeik, nunêe mos oinsa mak bele teste nafatin temperatura isin (tes suhu badan) karik iha problema ruma mak deskonfia sinal COVID-19 ninian buka atu hatoo lalais ba entidade relevante sira.



Prof.DR.Faustino_Cardoso Gomes, MSi
Prezidente KFP, 2020-2025

FETO IHA Kareira Funksaun Públika

Komisaria Komisaun Funksaun Públika, Maria de Jesus Sarmiento hala'õ entrevista iha programa Povu nia matadalan kona-ba feto iha kareira Funksaun Públika.

Iha Komisaria nia intervensaun feto hala'õ nia knar signifkante tebes iha area sira hotu hanesan area militar, sivil, polítika no Administraun Públika.

“Knár feto la'õs iha Funksaun Públika de'it, mai-

bé primeiru knár feto iha mundu iha sekulu 20 to'õ 21 hatudu ona progresu signifkantes iha area militar no sivil, katak hatudu konfiansa ho kapasidade feto haree ba kapasidade feto ita liga mós ba igualidade jéneru iha jestaun direitu humanu ita haree feto mós iha figura importante no kompetitivu iha vida polítika, sosiedade no mós iha administrasaun públika” dehan Komisaria Maria de Jesus Sarmiento iha (30/06/2020), iha studio Radiu METRO FM, Kintal Boot .

Iha polítika Komisaun mós define hahu kedas iha



Maria de Jesus Sarmiento
Komisaria KFP 2020-2025

mandatu dahuluk hodi hatur ona iha kuadru leis sira konsiderasaun as tebes ba feto sira liu husi rekrutamentu, kompozisaun juri, iha rejime promosaun mós hatur feto hanesan parte integrante feto iha kareira importante tebes iha Administrasaun Públika. No ba mandatu daruak nian iha planu strategiku ba tinan 15, define kestaun feto hanesan kompromisiu ba iha reforma iha Administrasaun Públika, ne'ebé mak aliña ho Planu Estratégiku Dezenvolvimentu Nasional (PEDN) no iha planu strategiku KFP hatur iha ninia objektivu 13 ho konsiderasaun as ba feto iha Funsau Públika.

Mandatu ba daruak KFP nian hatur vizaun estrurante hodi halo revizaun ba kuadru legal sira hodi reforsa iha inkluzau liga ema ho defisiensia, lideransa feto oinsá ba prosesu foti desizaun iha âmbito dezenvolvimentu nasaun nian. Liga ho política sira ne'ê halo rasionalizasaun ba iha planeamentu forsa traballu, katak, hili ema ho kualidade, kapasidade

no iha abilidade ás ba melloramentu sistema rekursu umanus, rekrutamentu, seleksaun pur méritu liu husi sistema eletróniku.

Ba mekanizmu sira ne'ê, KFP formasaun kontinua hodi bele motiva feto sira iha oportunidade oi-oin no enkoraza sira atu bele halo servisu diak liu hodi valoriza sira nia servisu mak iha distinsaun premiu ba dala ruma iha Funsau Públika feto mak número boot liu hodi presta servisu diak iha setór públiku ne'ê hanesan motivasaun ida ba feto.

Iha Funsau Públika haree ba abilitasaun literaria feto iha diploma 1 ho persentazen 66% ne'ê haree iha Ministériu Edukasaun ba iha professor sira no ministériu sira, iha mestradu mós iha numeru ne'ebé mak mane sira iha, maibé feto mós iha doutoramentu 14 pessoas mane 13 no feto ida ida ne'ê mós sura katak, feto esforsu an hodi kompete mós iha akadémika nian.





Atualiza Informasaun liu Radio Metro FM

Lisensa no Falta sira



[Nelson Philomeno Rego de Jesus](#)
Sekretariu Ezekutivu SKFP

Lisensas no faltas, iha dekretu lei nu.21/2011 ne'e rejime lisensas nudar rejime ne'ebé atu hatur lolos kona-ba regras liga ho lisensas no faltas, Dekretu ida ne'e ninia intensaun mak atu klarifika kona-ba limites atu hetan lisensa no falta sira, no mos atu tipificar ka kualifikar, ninia efektu oinsa, no mós kondisaun atu justifika, dehan Sekretariu Ezekutivu Sekretariadu Komisaun Funsan Públika Nelson Philomeno Rego de Jesus partisipa iha programa Povu Nia Matadalan iha studio Radiu METRO FM (23/06/2020) hodi sosializa kona-ba lisensas no faltas sira.

Iha dekretu lei refere iha tipus lisensa oi-oin hanesan


lisensa maternidade, lisensa parternidade, lisensa lutu, lisensa kaben, lisensa anual, lisensa estudo, lisensa la ho vensimentu no lisensa especial la ho vensimentu ida ne'e mak hatur iha tipus lisensa sira hanesan direitu funsionáriu sira nian.

Funsionarius ka ajentes hot-hotu ida atu konsede ka atu hetan lisesans no mós faltas sira iha obrigasaun tenke apresenta meius, provas adekuadus ka bele mos iha respetivus dokumentus ne'ebé mak bele justifika ba ninia falta sira.

"Falta ita fahe ba rua, mak falta la ho justifikasaun no falta ho justifikasaun, falta la ho justifikasaun mak pergunta ne'ebé mak refere tantu falta sira la ho justifikasaun iha artigu neba temi loloos katak, lisensa ka falta sira ne'ebé mak la inklui ida ne'e konsidera falta. Tantu sira ne'ebé mak la apresenta provas temi hanesan moras karik nia tenki apresenta ninia atestadu mediku, maibé nia la apresenta ida ne'e konsideradu hanesan falta.

Maibé ita mos hatur iha diploma ida ne'e katak, funsionáriu ka ajente ida wainhira nia komete falta ne'ebé la iha justifikasaun, entaun ita bele dehan katak, nia bele hasoru instaurasaun prosesu disiplinar ka deskontu ni saláriu bazeia ba grau salarial ida-idak ninian" hatutan Sekretariu Ezekutivu.

Sekretariu Ezekutivu mós kontinua hatoo ba funsionariu sira, tantu kargu direasaun xefia sira iha ne'ebé deit, hau konvida ita atu kontinua hala'o ita nia dever tuir estatutu Funsan Públika kumpri nafatin regras lisensas no faltas mak hatur ona iha estatutu dekretu lei refere.





Implementasaun Rejime Profesional Senior



Komisaun Funsau Públika hamosu tan dekretu lei nú.22/2017, 24 Maiu 2017 kona-ba Rejime kareiras Profissionais Seniores.

Objetivu hamosu rejime ne'e hatan ba kestoes no konstranjimentus lubuk ida ne'ebé mak la'o durante ne'e iha Funsau Públika. Objetivu ida seluk mak atu akumulula funsionáriu sira hanesan eis diretores jerais, inspetores, diretores nasionais no funsionáriu ne'ebé mak iha koñesimentu spesífika no esperensia iha área importante sira hodi kontinua aseguira, apoia Funsau Públika ho efisiensia, efikasias. Implementasaun rejime ne'e konsege hala'o iha tinan ne'e hodi loke vaga 12 iha area spesifika sira hanesan jestaun

rekursus umanus, servisu sosial, jestaun estratéjika agrikultura no peskas, tekniku espesializasaun governasaun di'ak, administrasaun públika, jestaun estratejiku transporte no komunikasaun, asesoria juridiku, descentralizasaun administrativa, ekonomista ba integrasaun ekonomika no desenvolvimentu komersial.

Enkuantu pessoal sira ne'ebé admitidu iha rejime ne'e sei koloka ba ministériu no instituisaun sira hodi hala'o sira nia knar iha ne'eba bazeia ba pedidu instituisaun sira, ba orsamentu sentraliza iha Komisaun Funsau Públika.

Rejime kareira senior profesional sei iha konkursu tinan-tinan depende ba pedidu proposta husi instituisaun sira.

KFP 2020

ISAR BANDEIRA IHA REJIME NORMALIDADE FOUN

Presidente KFP

Alerta ba Funsionáriu, Kumpri Normalidade Foun no Regras FP

Presidente Komisaun Funksaun Públika alerta nafatin ba funsionáriu sira kumpri nafatin regras no rejime foun normalidade COVID-19 nian, maske ita liu ona Estadu Emerjensia ba dala tolu, husu atu oinsa nafatin uza maskra, fase liman, distansiamentu fiziku atu evita no prevene tuir regras neê Ministeriu Saúde no Organizasaun Mundial Saúde define ona.

Husu atu kumpri nafatin asiduidade, pontualidade ba normalidade foun no ida-idak servisu ho responsabilidade neêbê mak iha hodi halo atendimentu tuir kompetensia neêbê mak lei fo ba ita, tanba atu sai ezemplar iha prosesu dezempeñu, sai referensia ba ema seluk atu banati tuir no oinsa atu kumpri nafatin dever no responsabilidade.

Alende neê kumpri nafatin bandu sira hanesan fuma, uzu palavrões, hadook an hemu tua husi fatin servisu, kestaun neê levanta tanba KFP simu keisa iha fatin seluk funsionáriu hemu tua iha fatin servisu hodi kria inseguransa iha fatin servisu hateten Presidente KFP iha diskursu isar bandeira iha (06/07/2020), KFP, Matadouro.

Preparasaun orsamentu 2020-2021 atu konklui tuir planu hodi submete tuir tempu neêbê mak define no husu mós ba Sekretariu ezekeutivu, Diretor sira atu komunika, kordena nafatin ho instituisaun neêbê mak responsabiliza ba komemorasaun Loron Nasional Funksaun Públika atu realiza tuir planu ho efikaz liu tan.



Prof. DR. Faustino Cardoso Gomes. MSI



Perfil

Sekretariu Ezekutivu SKFP

Nelson Philomeno Rego de Jesus, L.AP.,MM.

Moris iha Maumere, Indonézia iha loron 28 fulan Marsu tinan 1981, kaben nain ho oan nain lima.

Hasai kursu **Lisensiatura iha área Administrasaun Públika, UNTL** hafoin termina kontinua keda **ninia estudu Mestradu iha área Jestaun Rekursus Humanus iha Universidade Gajayana, Malang-Indonézia iha tinan 2011.**

Antes neê hanesan Inspetor iha Gabinete In-
spesaun no Auditoria (GIA-KFP) durante tinan tolu nia laran nia ema neêbê buka sá dezafiu mak iha servisu Inpesaun no Auditoria nian entaun hamosu enkontru trimestral entre Inspetores no Auditores sira iha liñas ministériu hotu tur hamutuk hodi konsege tau opiniaun hamutuk hodi dezenvolve, Padraun Manuál Prosedimentu Operasionál, kria mós esbosu Dekretu Governu liga ho servisu Inpesaun no Auditoria, ho opiniaun ida katak, uniformiza servisu GIA hodi aseguira ba iha boa governasaun iha Funsau Públika.

Ho susesu hirak neê KFP kontinua fo fiar hodi hodi assume knar hanesan atual Sekretariu Ezekutivu iha Sekretariadu Komisaun Funsau Públika.

Alende neê nia mós iha esperensia seluk iha tempu tranzisaun administrasaun husi Nasoens Uni-



das ba Timor-Leste iha rádiu UNTAET (The United Nations Transitional Administration in East Timor) iha tinan 2001-2002 nia hala'ó mós nia knar iha area profisional jurnalizmu.

Durante tranzisaun UNTAET hodi entrega fali knar ba timoroan sira hamrik mesak hodi dirije instituisaun refere hahu iha tempu ukun an nian iha tinan 2002-2010 kontinua hala'ó nia knar iha Radiu Televizaun Timor-Leste nudar apresentador notisia, produtór programa, editor senior ba notisia iha rádiu no xefe seksaun informasaun lian tetúm.

Iha tempu hanesan (2009-2010) sai mós nudar membru konsellu opiniaun RTTLEP, esperensia seluk mak servisu oras parsial nudar dosente iha Faculdade Siensia Sosiais no Política iha departamentu Administrasaun Públika-UNTL (2008-2009) no formador média iha ICFJ (International Center for Journalist).

Ida neê mak Nelson Philomeno ho Moto “Determinante, Desizivu, maibé la abuziva, laran diak ba ema hotu, maibé la fraku” neêbê gosta buka dezafia an liu husi nia badaen, abilidade neêbê nia iha, nunê nia mós ema neêbê simpátiku gosta habelun ho kualker ema iha kualker ambiente hodi kontinua buka aprende no buka esperensia seluk. Ho dezafiu sira neê nia muda fali mai iha Komisaun Funsau Públika iha 2010-2017 hodi asume knar nudar diretor nasional Formasaun no dezenvolvimentu iha Komisaun Funsau Públika.



Demisaun Iha Semestre Dahuluk Tinan 2020 Hamutuk 31

Komisaun Funsau Públika (KFP) liu husi Diresau Nasionál Étika Disiplina no Prosedimentu Administrativu simu no rejista kazu husi fulan Janeiru too Juñu tinan 2020 hamutuk 51. Husi total kazu ne'ebé mak rejista kazu ás mak iha MEJD hamutuk 15 ne'ebé


afeta ba funcionáriu 25 (F: 3 M:22) no MS 8 (F: 2 M: 6) no MAE rejista kazu 7 (F: 1 no M: 8) no seluk tan. Kazu hirak ne'e iha hotu prosesu nia laran. Tabela iha karaik hatudu kazu ne'ebé mak rejista ás liu mak: abandonu servisu, tuir kedas kazu prátika iregularidade funcionál

abela tuir mai apresenta dados registadu iha semestre nian (fulan Janeiru- Juñu, tinan 2020).

Nú	Instituisaun	Kazus registados	Tipu Kazu						Total Funcionáriu afetados		Konkluidu	Em Prosesu
			A1	A2	A3	A4	A5	A6	Mane	Feto		
1	MAE	7	5	-	-	2	-	-	8	1		
2	MAP	3	3	-	-	-	-	-	3	-		
1	MEJD	15	8	-	1	6	-	-	22	3		
4	MS	8	4	-	-	4	-	-	6	2		
5	MF	1	-	-	-	-	1	-	2	-		
6	MI	4	4	-	-	-	-	-	4	-		
7	MJ	1	-	-	-	1	-	-	1	-		
8	MNEC	1	-	-	-	1	-	-	2	-		
9	MSSI	1	1	-	-	-	-	-	1	1		
10	MACLN	2	-	-	-	2	-	-	2	-		
11	IADE	1	-	-	-	1	-	-	1	1		
12	PDHJ	1	-	-	-	1	-	-	1	-		
13	RAEOA	2	-	-	-	2	-	-	1	1		
14	UNTL	4	1	-	-	3	-	-	6	-		
Total		51 Kazus	26	0	1	23	1	0	60	9	0	51

Kodigus tipu kazu sira: a1: Abandono de Serviço, a2: Abuso de poder, a3: Mal administração, a4: Prática de Irregularidade funcional, a5: Prática suborno, a6: Assédio Sexual.

Gráfiku rejista tuir instituisaun sira:



Komisaun Funsan Públika kontinua apura no halo investigasaun ba kazu pendente sira iha tinan anterior ne'ebé mak konklui ona iha 2020 mak hanesan detalla tuir mai:

Tabela kazu pendente sira:

Tinan	Kazus pendentes	Kazu konkluidu	Kazu iha prosesu 2020
2017	11	4	7
2018	93	51	42
2019	166	33	133
Total	270	88	182

Husi total kazu 4 iha 2017 nian ne'ebé mak konkluidu no fó ona pena absolvisaun (M: 1), inatividade (M: 1), repriensaun eskrita ba funcionáriu (M: 2), inatividade (M: 1) no kazu arkivu (M: 1).

Enkuantu ba tinan 2018 nian husi total kazu konkluidu 51 iha 2018, KFP fó ona pena absolvisaun 39 (M: 26; F: 13), repriensaun eskrita 11 (M: 10; F: 1), suspensaun 16 (M: 16), inatividade (M: 1), demisaun 19 (M: 15; F: 4), nun'ê iha mós funcionáriu ajente administrasaun públika ne'ebé mak komete iha iregularidade hapara husi kontratu ka resindir kontratu (M: 2) no arkivu (M: 1). No kazu ba tinan 2019 nian konkluidu 33 KFP fó pena absolvisaun 3 (M: 3), repriensaun eskrita 10 (M: 10), suspensaun 15 (M: 14; F: 1), inatividade 1 (F: 1), demisaun 12 (M: 9; F: 3), KFP hapara mós kontratu ba funcionáriu ajente administrasaun

públika nain rua (2) ne'ebé mak komete iregularidade (F: 2).

Husi kazu tranzita no konkluidu iha 2020 pena demisaun nebe KFP fo ba funcionáriu sira hamutuk 31.

Signifika too iha semenstre dahuluk, KFP iha kazu ein prosesu ba tinan ne'ê hamutuk 233 kompostu husi 2017-2019 (182 kazu) no 2020 nian kazu 51.

2020



BULETIN

SEMESTRAL NO.14

